



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Alphabetvm Parvvm. Monachi In Schola Christi.

[urn:nbn:de:hbz:466:1-45790](#)

semper desiderio contemplando fatiantur. Tibi laus tibi gloria,
tibi gratiarum actio, cum Patre & Spiritu sancto in secula secu-
lorum. Amen.

ALPHABETVM PARVVM.

MONACHI IN SCHOLA

CHRISTI.

DISCIPVLVS.

Vivas tuas Domine demonstra mihi, & semitas tuas edoce me.
Vobsecro te Deus meus, doce me vias bonæ vitæ, pro salute
animæ meæ. Monstra mihi vias mandatorum tuorum, ut nar-
rem eas. Doce me semitas consiliorum tuorum, ut ambulem in
via immaculata. Aufer cœxitatem meam, ne sit non satis mon-
stratio. Infunde gratiam spiritus tui, quid deducet me in viam
rectam.

Magister Deus.

Intellectum tibi dabo, & instruam te in via hac, qua gradieris,
firmabo super te oculos meos.

Lectio 1.

Ama nesciri, & pro nihilo reputari. Hoc tibi salubrius est &
utilius, si vis ad vitam ingredi, quam laudari ab hominibus.

Lectio 2.

Benevolus es tu omnibus, non solum bonis, sed & malis, & nulli
onerofus.

Lectio 3.

Custodi cor tuum ab euagatione, os tuum ab oriosa locutione,
& cæteros sensus ab rigore disciplinx.

Lectio 4.

Dilige solitudinem & silentium, & inuenies quietem magnam,
& conscientiam bonam. Vbi enim multitudo, ibi frequenter est
strepitus, & magna distractio cordis.

Lectio 5.

Elige paupertatem & simplicitatem, & eufa pance sis con-
testus, & non facile murmurabis.

*Ccc**Lectio 6.*

Lectio 6.

Fuge quantum potes homines, & seculi rumores: quia non potes satis esse Deo & hominibus, aeternis & transitorijs.

Lectio 7.

Gratias age Deo semper, corde & ore, qualitercumque tibi succedit in grauamine & dolore. Nam Deus omnia prouidè dispensat in mundo, vero & certo iudicio, ab aeterno.

Lectio 8.

Humilia te in omnibus & sub omnibus, & mereberis gratiam ab omnibus. Eris quoque Deo acceptus, & hominibus dilectus, & diabolus a te fugiet citius, propter humilitatis virtutē sibi valde contrariam.

Lectio 9.

In omni opere bono habeas intentionem puram ad placendum Deo, qui inspecto cordis, & diligit iustos & puros.

Lectio 10.

Charissimos reputa amicos & patronos, qui te premunt & vituperant. Si enim recte sapis & consideras, lucrum inde acquires. Nam profundit tibi in bono, qui obsistunt in malo.

Lectio 11.

Labore & dolore, cum gemitu & fletu, acquiritur regnum Dei: delicijs & honoribus perditur paradisus.

Lectio 12.

Magnum donum Dei est, pauperem esse in hoc mundo propter Christum, & insimum tenere locum. Magna superbia, altum petere gradum. Ad alta semper diabolus suadet, honores ambire, fugere despectum: ut cadat ascensor eius retrorsum, cum ad breve tempus dominatus fuerit pauperum. Minima dona, pro magno reputa, & eris dignus maiora accipere.

Lectio 13.

Neminem spernas, nulli noceas: afflito condoleas, egeno subuenias, & nunquam te extollas.

Lectio 14.

Omne tempus utiliter cum Deo expendas: nihil enim preciosius tempore, in quo promereri potes regnum Dei in perpetuum. Omnibus quoque te amabilem, benignum, & affabilem, sine dissolutione exhibeas. Omnia bona ad laudem Dei referas: Et sine consilio & deliberatione, nihil facias.

Lectio 15.

Primò semper quererin opere tuo, an Deo placeat vel disciat. Nec timore nec amore age, contra conscientiam tuam. In dubijs ad scripturam sanctam & obedientiam prelati tui recurre, nec tibi ipsi nimis confide. Prius disce tacere, quam loqui; potiusque

rinsqne velis instrui, quām docere: tūtius est enim velle latēre,
quām apparere.

Lectio 16.

Quæcunque ad te non pertinent, de aliis non iudices, nec te
intromittas, ut pacem semper habeas. Qui communā secatur, &
singularia vitā, magis diligitur, & citius ad bonum finem perue-
niet. Qui tempestiuē facit, quod debet, lātior postea erit.

Lectio 17.

Reuertere ad interiora cordis tui, & claude ostia oris tui: ne va-
gari incipias per varia desideria mundi, consilio diaboli. Nocent
enim mala audita, tentant pulchra visa, turbant illata vituperia.
Recede ergo ab hominē iracundo, indocto, dissoluto, & manc in
silentio cum Deo.

Lectio 18.

Sobrius esto in viētu, modestus in vestitu, prouidus in verbis,
honestus in moribus, maturus in consilio, fortis in aduersis, hu-
milis in prosperis, gratus pro beneficijs, hilaris in despiciens,
patiens in doloribus, discretus in omnibus agendis.

Lectio 19.

Time Deum offendere, in minimis negligentij & defectibus
tuis. Noli præsumere in bonis, nec desperare in aduersis. Timor
Dei facit recedere à peccato, & solicitat in bono opere, ut bonum
bene fiat. Totum te Deo committe: & quod tibi est graue, fieri citō
portabile. Pax tua, in patientia multa: leuis est omnis tribulatio,
pro vita æternā.

Lectio 20.

Vende Deo omnia commoda tua, & dabit tibi solatia meliora,
adueniente gratia in vna hora. Nemo ditor, nemo liberior eo,
qui se & omnia Deo dedit, & Christum amando emit, qui mun-
dum cruce redemit.

Lectio 21.

Christus sit vita tua, lectio tua, meditatio tua, loquutio tua. Ipse
sit desiderium tuum, lucrum tuum, tota spes tua, & merces tua. Si
aliud quæris quām purē D eum, damnum patieris: laborabis, & re-
quiem non inuenies.

Lectio 22.

Hymnos & psalmos Deo canere, monachorum opus est & cle-
riconum: quibus congandent Angelorum chori, laudantes Deum
iugiter in regno cælorum. Seruire carni mors animæ, cibus ver-
mium, nidus dæmonum, vita pecorum, fomes morborum, cor-
ruptionis corporum, inquinatio morū, perditio bonorum, acquisitio
multorum malorū & dolorum. Seruire Deo beatitudo est animæ,
sanitas corporis, prudētia spiritus, cœlestis vita curię. Dulces hym-

C E C Z 108

mnos Deo cantat, qui in tribulatione sua Deum semper laudat.
Initium & finis omnis boni religiosi est Deum corde amare, ore
laudare, & fratrem suum exemplo ædificare.

Lectione 23.

Zachæc frater charissime, descendere de altitudine secularis
scientiae. Veni, & disce in schola Dei viam humilitatis, mansue-
tudinis, & patientiae: per quam possis, Christo docente, ad æternæ
beatitudinis gloriam securè peruenire. Amen.

Conclusio.

Scribe nouelle monache alphabetum istud in corde tuo, quasi
in libro vita; & per singulos dies chartulam tuam inspice, & bo-
nos mores affuesce. Paucæ sunt verba, sed magna habent mysteria
& perfectorum opera: ornant exterius, & quietant interius. A
contemptu mundi, & sui ipsius abnegatione, incipit vita boni re-
ligiosi, & proficit usque ad contemplationem Dei.

Benedictio.

Beatus discipulus ille, qui sequitur Christum per iter asperum,
tradens ei omne velle suum & nolle; portans quotidianè pro Chri-
sto crucem suam, ut habeat cum ipso gloriam magnam & vitam
æternam. Amen.

C O N S O L A T I O P A U P E R V M

E T I N F I R M O R V M .

1. Onsolamini, consolamini popule meus, dicit Dominus,
Deus vester.

Pauper.

2. Noli pauper contristari, quia diues non es.

Debilis.

3. Noli murmurare debilis corpore, qui saepius infirmaris, ne
habes quod delectat.

Lazarus infirmus.

4. Gaude in Domino, frater Lazare, qui multis vulneribus
modò repleris: quia tibi preparatur æterna requies, pro modico
& vili cibo, maleisque parato, & pro breui dolore in corpore sus-
tentato. Pro micis tibi negatis, habebis splendidas epulas in con-
iuio celestis regis, & comedes semper panem cæli de mensa Ie-
su Christi, in regno Patris sui. Pro vulneribus tibi inflictis, habe-
bis coronam miræ pulchritudinis, ornatam floribus immensa-

fusa.